



Dato: 30. januar 2019
Kontor: Nordatlantenheden
Sagsbeh: Adam Elias Fischermann
Sagsnr.: 2017-0090-0009
Dok.: 842157

E Q I K K A A N E Q

Politiit paasiniaasartui (PET) pillugit inatsisip Kalaallit Nunaanni atuutilersinneqarnissaa pillugu peqqussutissatut missingiut

Politiit paasiniaasartuinit (PET) Kalaallit Nunaanni pissutsit pillarneqaa-taasinnaasutut ilimagisaasut paasiniarneqartarnerat eqqarsaatigalugu, ilanngullugu pinngitsaaliissummik iliuuseqarsinnaatitaanerup atorneqartar-nera, assersuutigalugu isertortumik naalaarnermi inigisanillu misissuisar-nermi malittarisassat ullumikkut tunngaviatigut politiinut tamanut atuuttut malinneqarput, ilanngullugu eqqartuussiveqarfimmiit nakkutigineqarneq.

Aamma Politiit paasiniaasartuisa (PET) suliassaat pillugit inatsisinik im-mikkut ittunik soqanngilaq, annerusutigummi toqqaannartumik ilitsersuu-titigut iluarsisoqartarmat. Aamma Politiit paasiniaasartui (PET) inuit pillugit paasissutissat eqqarsaatigalugit nalinginnaasunit inatsisitigut killi-liisarnerit eqqarsaatigalugit ilaatinneqanngillat, aamma inuit pillugit paa-sissutissanik samminnitarnerat ingerlatsinikkut malittarisassanit nalingin-naasunik inatsisitigullu tunngaviusartunik Inatsiseqarnermut ministereqar-fimmit PET-imiillu aalajangersakkanik malitassaqarput.

Politiit paasiniaasartui (PET) pillugit inatsit nr. 604, 12. juni 2013-imeersoq ulloq 1. januar 2014-imi Danmarkimi atuutilerpoq.

Tassani pineqarput Politiit paasiniaasartuisa (PET) suliassaat aamma inuit pillugit paasissutissaatinik samminnitarnerat pillugu ullutsinnut naleqqut-tunik atugassaqartitsineq, soorluttaaq Politiit paasiniaasartuunik (PET) nak-kutilliineq pitsanngorsarneqartoq, ilaatigut Politiit paasiniaasartuisa (PET) inuit pillugit paasissutissanik samminnitarnerat eqqarsaatigalugu nakku-

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

tilliisoqarfimmik nutaamik arlaannaannulluunniit attuumassuteqanngitsumik pilersitsisoqarniarpoq. Oqaatigineqassaaq Politiit paasiniaasartui (PET) pillugit inatsimmi nutaami suliassat eqqarsaatigalugit annertu-nerusumik allanngortitsisoqanngimmat.

Politiit paasiniaasartui (PET) pillugit inatsisip qulakkiissavaa sulinermi iluamik tunngaveqartarnissaq, soorlu innuttaasut pillugit paasissutissanik samminnitarnermi, nalunaarsuisarnermi allatulluunniit iliorluni suliarinnittarnermi, aamma ilanngullugu suliassaraat inuit politikikkut suliaqarnerminnut tunngatillugu misissugaasut PET-imiit illersorsinnaasumik misissuiffigineqartarnissaat. Tamatuma saniatigut inatsisip qulakkiissavaa inuiaqatigiinni demokratiskiusumik ingerlanneqartuni suliffeqarfiup pisari-aqartutigit ammasuunissaa aamma suliffeqarfiup nakkutigineqarneranut tunngatillugu, kiisalu suliffeqarfimmut atugassarititaasut iluanni inuiaqatigiinni oqimaaqatigiisumik tunngaveqarluni sulianik ingerlatsinissaa siunertaavoq.

Tamakkua ilaatigut tunngavigalugu Inatsiseqarnermut ministereqarfiup – Kalaallit Nunaata inatsiseqarnikkut malinnaatinneqartuarnissaanut suliassamut ilaatillugu – Politiit paasiniaasartui (PET) pillugit inatsisip Kalaallit Nunaanni atuutilersinneqarnissaa pillugu peqqussutissamik siunnersuusi-orpoq.

Missingiummi saqqummiunneqarpoq inatsit kingusinnerusukkut allannguutissat allannguutigitillugit Kalaallit Nunaanni atuutilersinneqassasut, allannguutit Kalaallit Nunaanni pissutsit pissutigalugit allannguutaa-junnaartussat allannguutigitillugit.

Akilerartarnermut isumaginnermullu tunngasut Kalaallit Nunaanni immikkut susassaarfiummata siunnersuutigineqarpoq Politiit paasiniaasartui (PET) pillugit inatsimmi § 15-imi oqaaseqaatigiit aappaat akissarsianut tunngasoq, Politiit paasiniaasartui (PET) immikkut kukkunerisuiisoqartarneratigut aningaasanik pisarmata, isertitani akileraarutaasussaasuni imaluunniit isumaginninnikkut tunniuttakkat il.il. naatsorsorneqartarneranni tunngavinnut ilanngunneqassanngitsut, tassa Kalaallit Nunaanni atuutilersinneqassanngitsut. Inatsiseqarnermulli ministeriaqarfiup Naalackersuisut kaammattussavai inatsisartut inatsisaatigut malittarisassalioqqullugit ataqatigiisitsinissaa qulakkeerniarlugu, suut isertitat akileraaruteqaataasussatut naatsorsuussaansut imaluunniit ikiorsiiniarnermi il.il. tunngavittut atorneqassanersut, aammalu suut isertitat oqartussaasunut nalunaarutiginnissaannut pisussaaffeqartoqarnersoq.

Aammattaaq § 15, imm. 1-imi, tunngaviliisoqarpoq rigslovgivning-imi inatsisartullu inatsisaanni il.il. paasissutissanik tunniussisussaatitaaneq akissarsianut atuutinngimmat Politiit paasiniaasartui (PET) pillugit immikkut naatsorsuusiortoqartanera tunngavigalugu.

Peqqussummi § 10, imm. 2 aamma 3-mi erseqqissarneqarpoq paasissutissanik oqartussaqaarfinnut allanut ingerlatitseqqiisarneq naalagaaffimmi tamanut atuummat, oqartussaqaarfik pineqartoq naalagaaffiup ataaniippat imaluunniit Kalaallit Nunaata Savalimmiulluunniit inatsisartuisa ataani inissisimappat.

Aammattaaq siunnersuutigineqarpoq § 2, §§ 16-17 aamma § 22 Kalaallit Nunaanni atuutilersinneqassanngitsut. Tassani pissutaavoq taakkua Politiit paasiniaasartui (PET) pillugit inatsimmut malinnittuunerat, Politiit paasiniaasartui (PET) aamma Paasiniaasartoqarfinnik Nakkutilliisuutitat suliatik pillugit ukiumoortumik Inatsiseqarnermut ministerimut nalunaaruteqartartussaammata, taamaalillunilu piumasarineqarpoq suliffiup nakkutilliisoqarfiullu Kalaallit Nunaanni suliaat nalunaarusiami tassani ilanngunneqartassasut.

Aammattaaq pisariaqanngilaq peqqussummi aalajangersaasoqassasoq Paasiniaasartoqarfinnik Nakkutilliisuutitat qanoq ililluni aqqissuussasasoq, nakkutilliisuutitammi Politiit paasiniaasartui (PET) pillugit inatsit malereermagu. Tamatuma kingunerisaanik innersuussisoqarpoq Politiit paasiniaasartui (PET) pillugit inatsimmut §§ 13 aamma 18 kapitali 9-mut.

Aamma inatsimmi innersuussutit inatsimmut allanut naleqqussarneqarput Kalaallit Nunaanni inatsisinut atuuttunut naapertuuttumik aalajangersagaa-lerlutik. Tassunga ilagitillugu malugineqassaaq peqqussutissaq, inunnik paasissutissanik suliarinnittarneq pillugu inatsimmut innersuunneqarmat Kalaallit Nunaannut atuutilersinneqartumut nr. 1238-kkut, 14. oktober 2016-imi, databeskyttelsesforordningip Kalaallit Nunaannut atuutinnginera tunngavigalugu.

Peqqussutip atuutilereerneratigut Politiit paasiniaasartui (PET) Kalaallit Nunaanni suliaasaat oqaatigineqartut Politiit paasiniaasartuisa (PET) suliareriigaannut annerusutigut assingussapput.